

**Avgvstini Valerii, Veronensis Episcopi, De Rhetorica
Ecclesiastica Libri III. Perqvam Ervditi**

Valiero, Agostino

Coloniae, 1582

De probatio[n]e ab authoritate sedis Apostolicę. Cap. XXXXV.

[urn:nbn:de:hbz:466:1-69050](#)

fit adhibenda, quanta si ipsius Saluatoris nostri ore lata fuissent. Verum cum de Indulgentijs sermonem habebit ad populū Ecclesiasticus orator, eas esse thesauros, quos Christus sponsa sua Ecclesia donauit, demōstrabit. Nam ut merita Christi, cuius vna gutta sanguinis sufficiebat ad redimendos omnes Christianos, merita etiam sanctorum martyrum, & preces Ecclesiae in indulgentiarum thesauro, sunt recondita, valere plurimum ad leuandam pænā, cui obnoxij sumus, deleta iam culpa, quam indulgentissimus pater Deus peccatoribus remittit: dispensatorem huius thesauri, esse Christi vicarium; ab illo concedi solitas indulgentias ad gloriā Dei, & ad populorum salutem, ac excitandos homines ad egregium aliquod opus: neminem, qui mortali peccato sit contaminatus, & qui ea, quae sanctissimus pontifex iussit, non obseruauerit, tanti beneficij participem esse: Iubileum Plenariam Indulgētiā concedi, vt humanæ infirmitati succurratur, ad conseruandam reuerentiam erga sanctam Sedem Apostolicam, ad confirmādam fidem catholicā, & ad excitandam in animis hominum spem diuinæ misericordiae.

De probatiōe ab authoritate sedis Apostolice.

Cap. XXXV.

SEDIS Apostolice autoritas, hoc est, Romani Pontificis decretum satis est firmum argumentum ad faciendam fidem: nam ipse est Christi Vicarius, & legitimus successor Petri, eadem, quam Saluator noster Petro tribuit, non solum autoritatem & potestatem, sed etiam fidei firmitatem & stabilitatem habens; cum ea verba, Rogauit pro te Petre, ut non deficiat fides tua; & tu aliquan-

aliquādō conuersus confirma fratres tuos, ad eum etiam pertineant: ita ut in eis, quae ad sanctissimam Christi, cuius vicem in terris gerit, religionem spectant, errare nullo modo possit: præsertim cùm Romani Pōtifices, vt B. Gregorius scribit, nihil sine cōsilio grauiſſimorum hominum decernere consueuerint. Quandō se offeret occasio, de potestate summi Pōtificis Christi Vicarij ager; et ita ad populum dicet: quemadmodum nullum exercitum sine imperatore, nullum regnum sine rege, nullam domum sine patrefamilias; ita sine supremo pastore Christi Vicario, Ecclesiā regi non posse: indē ortos errores, quod membra à capite dissecta sunt.

De probatione ab authoritate Conciliorum.

Cap. XXXXVI.

MAGNA est etiam authoritas sanctorū patrum, qui à Spiritu sancto in sanctis concilijs sunt congregati; ita ut in iis, quae ad confirmandam fidem Christianam, & ad salutem animarum consequendam pertinent, nulla ratione errare possint. Nam cùm Episcopi sint tanquam columnæ Ecclesiae & capita, à quibus ceteri omnes fideles pendet: si ipsi in errorem ducerentur, necesse esset, quod accidere nō potest, vt omne Christianum & fidicium corrueret; hæreses, multi iam seculis damnatae, conciliorū authoritate reuiuiscerent; symbolū Nicenum esset ambiguum: deniq; nulla certa via esset, qua infideli controuersis catholicū dogma exploraretur. Ad hæc cum beatus Augustinus affirmet, vniuersalis conciliij sententiam, totius Ecclesie consensum esse: & cum apostolo nulla alia commodior ac facilior via visa sit ad veritatem in quæstione exorta inuestigandam, quam si ad concilium